



Page: 7

Reach: 0

Country: BOSNIA AND HERZEGOVINA

Size: 93 cm2

1 / 1

Oružje u Tešnju tri puta premještan

N. HASIĆ

SARAJEVO - Tužilaštvo BiH primilo je juče izvještaj koji je zbog nedopuštenog držanja oružja i izazivanja opšte opasnosti podnesen protiv devet osoba, među kojima je prvoosumnjičeni Šemsudin Mehmedović, poslanik SDA u parlamentu BiH.

"Nakon zaprimanja izvještaja, Tužilaštvo BiH će detaljno analizirati izvještaj, vidjeti da li

se radi o kaznenim djelima iz nadležnosti Tužilaštva BiH, te je li dostavljeno dovoljno dokaza za kazneno procesuiranje", kazao je Boris Grubešić, glasnogovornik Tužilaštva BiH.

Izvještaj o počinjenom krivičnom djelu protiv Mehmedovića i još osam osoba s područja opštine Tešanj SIPA prekjue je prosljedila Tužilaštvo BiH. Ova agencija istragu je pokrenula nakon što je ljetos u selu Kaloševići, kod Tešnja, pronađena

ogomna količina vojnog naoružanja. Prema rezultatima istrage, Mehmedović je ostalim prijavljenim kao svojim tadašnjim saradnicima naredio da sakriju oružje i minsko-eksplozivna sredstva zaostala iz rata i deponovana sa područja cijelog Zeničko-dobojskog kantona.

"Prikriivanje naoružanja naredio je s ciljem da se onemogući njegovo evidentiranje od strane pripadnika SFOR-a i nema ga u evidencijama Vojske



PRVOOSUMNJIČENI Mehmedović je ostalim prijavljenim naredio da sakriju oružje

F BiH", rekao je jedan bivši visokopozicionirani funkcioner Vlade ZDK.

Poštujuci naredbu, Mehmedovićevi podređeni su dio naoružanja najprije sakrili u magacin Policijske uprave Tešanj od 1998. do 1999. godine. Poslije je oružje izmješteno i uskladišteno u jednu kuću u selu Kaloševići, da bi 2001. i 2002. dio tog oružja ponovo bio premješten i zakopan po lokacijama u ovom selu. Na jednoj od tih

lokacija ljetos je vojni arsenal i pronađen.

Krivična prijava prosljedena Tužilaštvo, osim protiv Mehmedovića, podnesena je i protiv osoba inicijala M.Z., H.K., F.S. i još petorice. Mehmedović je više puta izjavio da nema nikakve veze s ovim naoružanjem.

Pripadnici SIPA 19. jula ove godine bili su priveli Mehmedovića zbog sumnje da je kao šef Policijske stanice u Tešnju u ratu počinio ratni zločin nad Srbima.